



# ԵՐԱԺԻՇՏ

ԵՐԵՎԱՆԻ ԿՈՄՄՍԱՍԻ ԱՆՎԱՆ ՊԵՏԱԿԱՆ ԿՈՆՍԵՐՎԱՏՈՐԻԱՅԻ ԱՄՍԱԹԵՐԹ

Լոյս է տեսնում 2005թ. դեկտեմբերին

#03 (135) մարտ 2017

Գինը՝ 100 դրամ

## ՏՈՂՄԻԿ ԵՐԱԺԻՇՏԸ. «Երգող հոգի»

Կանադացի ջութակահար Ռուբեն Կոստյանը տոհմիկ երաժիշտ է: Երաժիշտները տարիներ շարունակ եղել են Հայաստանի ֆիլիարմոնիկ նվագախմբի առաջատար ջութակահարներ: Հայրը ՀՀ վաստակավոր արտիստ, երևանի Կոմիտասի անվ. կոնսերվատորիայի պրոֆեսոր Ալեքսանդր Կոստյանը, Կոմիտասի անվան քառյակի պատահարն է: Ռուբենը ծնվել է Հայաստանում: Չորս տարեկանում ջութակ նվագել է սովորել հոր ղեկավարությամբ, կոնսերվատորիայում ուսանել է ՀՀ ժողովրդական արտիստ, պրոֆեսոր Էդուարդ Թադևոսյանի դասարանում: Ինը տարեկանում այդ հրաշաճանուկը կատարել է Սենդելտնի և Մոցարտի ջութակի Կոնցերտները նվագախմբի հետ: Երաժիշտի հետքերով քայլ առ քայլ դեպի Պառնաս է ընթանում Ռուբենի որդին ջութակահար, միջազգային մրցույթների դափնեկիր Դավիթ Կոստյանը:

Ռուբենը մասնակցել է Իզոլ Օյտարայի, Տիգր Կարապի, Ռուբեն Սևարյանի, ժան Տեր-Սերկերյանի, Իվան Սոնիգետի և Դոմինիկ դե Վիենկուրտի վարպետության դասերին: 1997-ին Ռուբենը շնորհվել է Վլադիմիր Սաիվակովի հեղինակավոր կրթաթղթով:

1988-ին նա դասավանդել է ջութակ և կամերային անսամբլ երևանի պետական կոնսերվատորիայում, իսկ 2000-ին ընտրվել է Քիչ կղզու երաժշտության և մշակույթի տան դասական երաժշտության բաժնի ղեկավար: Համերգներով հանդես է եկել Գերմանիայում, Ֆրանսիայում, Իրանում, ԱՄՆ-ում, Կանադայում, Սեբասթիայում, Թայվանում, Մալայզիայում, Ռուսաստանում և Վրաստանում, կատարել է Ա. հաչատրյանի, Ջ. Սարյանի, Պ. Չայկովսկու, Ա. Գլազուևի, Մ. Բորիսի, Յ. Բրամսի, Յ. Վ. Քալի, և Հայրապետյանի և այլ կոմպոզիտորների կոնցերտները:

2005-ին Ռուբեն Կոստյանը հիմնադրել է դաշնամուրաբնի Տրիո:

2007 թ. հոկտեմբերի 31-ին նա արժանացել է ՅՈՒՆԵՍԿՕ-ի «Արամ հաչատրյանի հարյուրամյակի Ոսկե հուշանվան» 37 կոմպոզիտորների միության կողմից:

2009-ին Ռուբենը հրավիրվել է միաձայն «հաչատրյան» պետական քառյակին որպես առաջին ջութակ, որտեղ նա աշխատել է մինչև 2010 թ.: 2010-ից Ռուբենը բնակվում է Կանադայում, իր կանադական դեբյուտը նա կատարել է Sinfonia Toronto նվագախմբի հետ (դիրիժոր՝ Լուրիան Արման) «Գլեն Գուլդ ստուդիայում» և «Koerner Hall»-ում:

Երևանի «Պաֆեստ» արվեստի կենտրոնի համերգաբաղնիկում տեղի ունեցավ Ռուբեն Կոստյանի համերգը դաշնակահարուհի Նատալյա Մնացականյանի ընկերակցությամբ: Այս շրջապայությունը և համերգը հովանավորել էր «Canada Council for the Arts» կազմակերպությունը:

Ի՞նչ լավ է, որ մեր ազդեցիկ ժամանակներում դեռ հանդիպում ենք արվեստագետների, ովքեր չեն մրցակցում, չեն տեսնում գերազանցելու ոչ մեկին, այլ պարզապես փարվում են երաժշտությանը, իրենց հոգու տեսիլքներին և պայծառացումների առատությունից բաժին են հասցնում նաև ունկնդիրներին:

Ռուբենը ռոմանտիկ հոգեկերտվածքով երաժիշտ է: Այս հանգամանքով էր նաև պայմանավորված համերգի «սու-միդրայի» ծրագրի ընտրությունը (գեղիշտու տալանտությունն է): Այն բաղկացած էր բավական բարդ ստեղծագործություններից, որոնք ջութակահարն ու դաշնակահարը, կարելի է ասել, հեշտությամբ հաղթարարեցին:

Այստեղ չենք խոսի ջութակահարի հիմնական տեխնիկայի մասին խորատ ստակատո, ճախրող սախիկատո, հզոր ակ-կորդներ, կայուն հնչյուն, մաքուր ինտոնացիա և այլն: Չէ՞ որ այս ամենը ծառայում է գեղարվեստական խնդիրներին, կերպարատեսությունը: Այս հարցում նա և հասել է բարձր մակարդակի. ոճի նուրբ զգացողություն, կերպարա-

նախիվելու ճկունություն և այլն: Եվ այս հատկանիշները վատ կերպով դրսևորվեցին հիշյալ համերգում:

Երեկոն բացվեց Կարեն Խաչատրյանի Ջութակի և դաշնամուրի սու-միդրո Սոնատով:

Չուվ դասական, բովանդակությամբ ռոմանտիկ այս երանաս Սոնատում երաժիշտները հանդես եկան որպես զգայուն, «իրավահավասար» համագործակիցներ, որոնք միջանց հասկանում են, ինչպես ասում են, կես խոսքից: (Համերգից հետո, մեր գրույցում, ջութակահարը խոստովանեց, որ ժամանակին նա Մոսկվայում այցելել է Կ. հաչատրյանին, միասին լսել են Սոնատի 3-րդ Հայֆեցի ծայնագրությունը, արծարծել տեմպերի, դինամիկայի և այլ կատարողական հարցեր: Միայն ինչու այդքան համոզիչ էր հնչում Սոնատի «հեղինակային» մեկնաբանությունը):

Կ. հաչատրյանն ուսանել է Գ. Շոստակովիչի դասարանում, բարերար ազդեցություն է կրել նաև Ա. Պրոկոֆևից և Ա. հաչատրյանից: Մեծ ֆիզիկոս Անրի Պուանկարեն ասում էր. «Տարրերն ինքնին ունեն, կարևորը նրանց միջև կապն է»: Արվեստում տարրերը մեծ նշանակություն ունեն, բայց ավելի կարևոր են դրանց տրամաֆորմացիան, օրգանական միաձուլը: Մասնավորապես Կ. հաչատրյանի Սոնատում նկատված ազդեցություններից մի քանիսը: 1-ին մասի գլխավոր բեման իր բնույթով հիշեցնում է Ա. Պրոկոֆևի ջութակի 2-րդ Կոնցերտի 1-ին բեման (ի դեպ, նույնպես սու-միդրո): Բացի այդ, Ա. Պրոկոֆևի ազդեցությունը զգացվում է նաև երկաթե ուղիղ մեջ, լայնաշունչ, անվերջանալի մեղեդիներում, որոնք ծավալվում են ջութակի գրեթե ամբողջ ծայնահատմամբ: Սոնատի 1-ին մասի թիվ 6 հատվածում ջութակի և դաշնամուրի աջ ձեռքի նյութը մնամուկ է Սեզար Ֆրանկի ջութակի Սոնատի ֆինալի կանոնիկ շարադրանքին: Նույնը զգացվում է նաև 2-րդ մասի թիվ 7-ի հատվածում: Սոնատի 2-րդ մասի թիվ 5 վալսաման դրվագն իր ազնիվ, անբարատ բնույթով հիշեցնում է Ա. Պրոկոֆևի բալետում Ռոմեոյի և Ջուլիետի կերպարները, նրանց սիրառատ «երկխոսությունը», որը հրաշալի վերստեղծեցին Ա. Կոստյանը և Մ. Մնացականյանը: Սոնատի 3-րդ մասն սկսվում է շոստակովիչյան հեզամոնոլի համակարգ երաժշտությամբ: 3-րդ մասի թիվ 4-ում ակնհայտ է Ա. հաչատրյանի ջութակի Կոնցերտի ազդեցությունը, նույնը և թիվ 16-ում: Միայն այս բոլոր տարրերի իր ստի ջութակում օրգանապես միաձուլվելով, գունարելով նրա իր ասելիքը՝ Կ. հաչատրյանն ստեղծել է իր Սոնատը: Նշված աղբյուրները վկայում են, որ Կ. հաչատրյանը հիշյալ կոմպոզիտորների «հոգևոր ընտանիքի» (Թ. Էլիոթ) արժանի անդամն է: Այս ամենը միևնույն ժամանակաշրջանի կոմպոզիտորների եղբայրության փոխկապակցում է, որը Ա. Կոստյանը փոքր-ինչ ընդգծելով, ասես երաժշտական չափերտներով, զգալի էր տալիս ունկնդիրներին: Նույն կերպ ջութակահարն ընդգծում էր Յան Սիբելիուսի արվեստի նրբերանգները Մարթան Մոգեստիչի պիեսում (որին կանոնադրամանով ստորկ):

Հատկանշական է, որ ծրագրի գործերից չորսը, կարելի է ասել, մարմնավորում են կանանց տարբեր կերպարներ, Սոնիա Ռավելի «Գնչուհին», Կլոդ Դեբյուսիի «Կուչե մագերիտ աղջիկը», Կամիլ Սեն-Սանսի «Հավանեզ» (որը նշանակում է Հավանա քաղաքի բնակչուհի, նույնը է հարաներա) և Պ. Չայկովսկու ջութակի Կոնցերտի «Կանցնետ» (կրկին սու-միդրո): Թեպետ վերջինս որևէ հուշող վերնագիր չի կրում, սակայն, եթե հիշենք Ֆ. Շոպենի 2-րդ և Յ. Բրամսի 1-ին դաշնամուրային կոնցերտների 2-րդ մասերը, ապա սխալված չենք լինի, եթե մենք կերպարներ, հույզանքներ տեսնենք նաև «Կանցնետում»: Նրանում մեծ կարևոր կա, անցած-զնցած օրերի վերնուշ, հայրենի բնության պատկերներ, օրինակ Ա. Կուլիցկիի «Երեմյակ կեչիների անտառը»: այս ամենից անբաժան է սերը: Ականա հիշում են պար-

մանուկի Տալյանային Պուշկինի տված հետևյալ բնութագրի «Երկչուտ, ինչպես եղջիկ անտառի»: Աճուշտ, սա չեղում չէ նյութից, քանզի այս տպավորությունները ներշնչվել են հենց Ա. Կոստյանի նվագից: Իսկ սրա հակապատկերն է «Գնչուհին» կրթուտ և պոռթկուն, ինչպես Սեն-Սանսի հավանեզը: Եթե «Գնչուհին» զուգահեռն է ժ. Քիզելի «Կարմենի», ապա վուշե մագերիտ աղջիկը անթեմ գեղեկուհին, մենք է Կարմենի հակապատկերը հեզահամբույր Միքայելային: Այս չնաշխարհիկ գործերի շարքը համարելիս ճորջ Գերշվիցի «Պորգին և Բեսը» օպերայի հերոս Ապրոտինգ-Լայֆի «Մե-ֆիատոֆեյան քառյակների» հայտնի փոխադրությունը, որն իրականացրել է Յ. Հայֆեցը, և կանադացի ժամանակակից կոմպոզիտոր Մարթան Մոգեստիչի «Երգող ոգի» երկը, որը լսում էինք առաջին անգամ: Ի դեպ, Մոգեստիչի պիեսը, որն արտահայտում է հո-



Ռուբեն Կոստյան

գու բունը հրճանք և ճախրանք, Ա. Կոստյանի նվագազանկում տեղ է գտել դեռ 2010-ից՝ հեղինակի առաջարկությամբ: Իսկ Արամ հաչատրյանի «Պարզ» վաղուց է թրծվել-բյուրեղացել, քանի որ Ռուբենն այն փայլուն կատարել էր ուսանողական տարիներին Ա. հաչատրյանի անվ. հանրապետական մրցույթում և արժանացել դափնեկիր կոչման:

Դժվար է մտախափվելուց նույնիսկ համերգում հնչած որևէ գործի կատարմանը, սակայն չենք կարող չառանձնացնել Կ. հաչատրյանի «Լեզեոնի» սրտառու մեկնաբանությունը, որը հոգևոր խորքում կապվեց Հուպենի 1-ին Բալետի հետ (դարձյալ սու-միդրո), որտեղ կան և սեր, և կարոտ, և հայրենյազ վաղեմի փառքի արժազանքներ:

Նշենք նաև Կ. հաչատրյանի Սոնատի 1-ին մասը, որի պոռթկուն թեման պայթյալի բովից դուրս է գալիս հոգնաբեկ և ծաղկի պես բառանում: Դեպի երկինք, դեպի իրեալը բարձրացող մեղեդին չի հասնում իր «երազանքին»: Նախավերջին «Ֆա-դիեզ» ձգող հնչյունը «չի կարողանում» լուծվել «սուլ» հիմնահնչյունի մեջ, այլ նկատելով, հավելելով «ընկնում» է «Ֆա» անկայուն հնչյունի գիրկը: Նմանապես հավելեցին նաև Իկարոսի մոմեթները, երբ նա մոտեցավ արևին, բայց, չհասնելով իր բաղձալի նպատակին, ընկավ ցած:

Միայն այսպիսի խոհեր ներշնչեց Ա. Կոստյանն իր պատկերավոր ու ազդեցիկ նվագով:

Համերգի վերջում երաժիշտները նվագեցին Անտոնիո Բաժինի «Թզուկների պարը», որի կատարման համար պահանջվում են մեծ հմտություն և վիրտուոզություն:

Ունկնդիրը ստացավ լսելից Ա. Կոստյանի և Մ. Մնացականյանի բովանդակային և բարձրարվեստ ելույթը:

ՊԱՍԻԼ ԵՐԱԺԻՇՏ,  
դիրժոր,  
Երևանի Կոմիտասի անվ.  
պետական կոնսերվատորիայի պրոֆեսոր